



JABATAN PERKHIDMATAN VETERINAR MALAYSIA

LAPORAN LIPUTAN MEDIA

Selasa, 02 Mei 2023

DISEDIAKAN OLEH :
UNIT KOMUNIKASI KORPORAT,
JABATAN PERKHIDMATAN VETERINAR MALAYSIA

Ayam, ikan mati kerana cuaca panas		
Haiwan turut berisiko alami strok haba		
MEDIA	RUANGAN	MUKA SURAT
Berita Harian	Nasional	15

Ayam, ikan mati kerana cuaca panas

Kegagalan bekalan elektrik punca suhu dalam reban meningkat

Oleh Suraya Ali dan Nazdy Harun
bhnews@bh.com.my

Kuala Lumpur: Fenomena cuaca panas yang melanda negara ketika ini turut menjejaskan bekalan ayam dan ikan apabila ternakan berkenaan mati berikutan kepanasan melampau.

Perkara itu dialami sendiri beberapa penternak ayam dan ikan di Terengganu yang menanggung kerugian besar apabila ternakan masing-masing mati akibat cuaca panas.

Persatuan Penternak Ayam Selangor menjangkakan gangguan bekalan bakal melanda negara dalam tempoh sebulan

akan datang.

Jurucakapnya berkata, ia berikutan bekalan anak ayam sukar diperolehi.

"Selain sukar mendapat bekalan anak ayam, harganya juga melonjak sekali ganda sehingga mencecah RM3.30 seekor.

"Kos menternak ayam ketika cuaca panas melampau meningkat kerana penternak perlu memasang kipas tambahan dan membayar upah pekerja untuk kerja lebih masa bagi memantau ternakan supaya tidak pengsan atau mati kepanasan," katanya.

Penternak ayam di Dungun, Terengganu, Shafirdaus Mohd Zu, 28, mengingatkan penternak ayam supaya berhati-hati dengan cuaca panas melampau.

Sepanjang 20 tahun keluarganya mengusahakan ternakan ayam, katanya, ini kali pertama mereka terpaksa membuka kanvas yang menutupi reban ayam kerana cuaca terlalu panas.

"Selaraskan suhu di tengah reban untuk mengurangkan ri-

siko kematian ayam akibat kepanasan.

"Selain memasang kipas, penternak boleh cuba membuat sistem pengudaraan yang baik kerana kepanasan akan meningkatkan kandungan ammonia dalam reban, maka reban perlu dibersihkan dan pastikan pengudaraan yang baik supaya ayam kekal sihat," katanya.

Oleh kerana anak ayam tidak sesuai dengan keadaan berangin, tetapi memerlukan suhu selesa, beliau mengusahakan dua jenis reban iaitu berhawa dingin dan terbuka.

Kerugian cecah RM200,000

Penternak ayam di Kemaman, Muhammad Zamani Dawam, menanggung kerugian mencecah RM200,000 apabila hampir 28,000 ekor ayam ternakannya mati kepanasan.

"Walaupun menggunakan sistem reban tertutup dan boleh kawal suhu, kegagalan bekalan elektrik menyebabkan suhu dalam reban meningkat dengan



Penternak menanggung kerugian mencecah RM200,000 apabila hampir 28,000 ekor ayam ternakan mati akibat cuaca panas.

cepat dan dalam masa 20 minit suhu melonjak ke 40 darjah.

"Bekalan elektrik tidak stabil pada hari raya dan pekerja pula tidak datang periksa reban setiap 30 minit," katanya.

Di Kuala Berang, ketua kelompok penternak ikan sangkar di pesisir Sungai Kampung Pantai Ali, dekat sini, Zakaria Ismail, 66, berkata tempoh Mac hingga Jun amat kritikal bagi mereka.

Katanya, seramai 27 penternak ikan air tawar di Sungai Telemong membabitkan 250 sangkar, terkesan apabila paras sungai surut tiga meter dan me-

nyebabkan kekurangan oksigen dalam sangkar hingga menyebabkan ikan mati.

"Ikan besar seberat antara 500 hingga 600 gram ke atas berdepan risiko kematian jika tidak mendapat bekalan oksigen secukupnya.

"Kalau waktu puncak, antara tujuh hingga 15 ikan mati di setiap sangkar," katanya.

Zakaria berkata, proses mencuci jaring sangkar bagi membuang lumpur dan kelodak juga boleh mengurangkan kematian ikan berikutan aliran air melalui sangkar dengan laju dan sempurna.

Haiwan turut berisiko alami strok haba

Kuala Lumpur: Cuaca panas melampau yang kini melanda beberapa negara termasuk Malaysia, bukan sahaja memberi kesan kepada manusia, malah menimbulkan risiko kepada haiwan termasuk mengalami strok haba.

Bekas Penolong Pengarah Zoo Negara yang juga Pensyarah Fakulti Farmasi Universiti Teknologi Mara (UiTM) Puncak Alam, Prof Madya Datuk Dr Vellayan Subramaniam, berkata seperti manusia, strok haba terhadap binatang juga boleh meragut nyawa.

Strok haba juga, katanya, boleh menyebabkan kerosakan organ dalaman haiwan jika tidak mendapat rawatan segera.

"Semua haiwan yang tergolong dalam kumpulan mamalia, reptilia mahupun burung turut mengalami strok haba," katanya.

Beliau memberi contoh, anjing dan kucing mempunyai kelenjar sangat sedikit yang terletak di tapak kaki dan sekitar hi-

dung untuk berpeluh, tidak seperti manusia yang boleh mengeluarkan peluh di setiap segi.

Katanya, haiwan di zoo juga perlu dijaga rapi pada musim panas dengan membekalkan air secukupnya untuk membasahkan badan walaupun kadangkala mungkin timbul masalah kerana bukan semua haiwan suka berendam dalam air seperti lembu, kerbau dan gajah.

Dr Vellayan yang juga bekas Ketua Veterinar di Zoo Negara, menjelaskan bagi haiwan yang tidak gemar badan dibasahkan dengan air, ia perlu diberikan air minuman secukupnya, selain ditempatkan di kawasan yang mempunyai tahap pengudaraan baik.

"Bagi haiwan yang sentiasa berada dalam air atau berendam seperti penguin dan memerang pula, kolam air disarankan ditambah dengan ketulan air batu bagi memastikan ia sejuk.

"Ini kerana air yang tidak mengalir juga boleh

meningkatkan suhunya sekiranya cuaca panas terik," katanya turut mengingatkan pemilik haiwan peliharaan seperti anjing dan kucing supaya sentiasa peka terhadap keadaan kesihatan haiwan mereka.

Katanya, pemilik perlu sentiasa peka keadaan haiwan peliharaan mereka bagi menghindari risiko strok haba.

"Antara simptom strok haba seperti degupan jantung pantas, kesukaran bergerak, terpinga-pinga dan tidak menentu, menghasilkan banyak air liur serta lidah dan gusi biru kerana kekurangan oksigen dalam darah.

"Suhu badan haiwan juga akan melebihi 42 darjah Celsius, kurang keseimbangan atau kestabilan apabila bangun dengan empat kaki. Jika ini berlaku, pemilik perlu stabilkan suhu badan haiwan itu.

"Bawa ke doktor haiwan dengan segera kerana jika diabaikan, ia boleh mendatangkan kematian," katanya. BERNAMA

Furkids help forge family bonds at AirAsia

MEDIA	RUANGAN	MUKA SURAT
The Star	Nation	9

Furkids help forge family bonds at AirAsia

By MAHADHIR MONIHULDIN
mahadhir@thestar.com.my

PETALING JAYA: It is always heartwarming to hear stories of everyday heroes who choose to take in stray animals.

Such unsung heroes can be found at AirAsia RedQ, the headquarters for AirAsia located at Kuala Lumpur International Airport 2 (KLIA2), Sepang.

Unknown to many, there is a corner in RedQ that provides shelter for stray dogs picked up at a construction site several years ago.

The two AirAsia executives behind the shelter are Vijaya Priya Ananthan, its head of government relations; and Renuka Kunathavan, head of people and culture.

Vijaya, also known as Priya, said AirAsia staff found the dogs when they were just puppies.

"In the beginning, we found four of them wandering around the site of our RedQ building when it was under construction in 2016.

"It was believed their mother had died in a car accident, leaving them without anyone looking out for them.

"We informed Capital A chief executive officer Tan Sri Tony Fernandes, and he decided to take the four puppies in, eventually building them a kennel named DogQ at RedQ's office carpark," said Priya.

Capital A is AirAsia's holding company.

The four dogs were eventually named D7, AK, QZ, and FD after AirAsia's flight codes, and they



DogQ: AirAsia's four adopted dogs, (from left) AK, FD, QZ and D7 having a meal together at the dog house. FD has since passed away.

immediately became part of the AirAsia family.

Priya and Renuka told the entire company about the DogQ kennel via their internal communication channels, and many employees volunteered to take care of the dogs.

"We have a DogQ volunteer committee on WhatsApp filled with AirAsia staff who volunteer to look after the dogs," Renuka said.

"At least once a day, a volunteer will feed them and take them for walks, while others donate money for food and other necessities."

She added that the volunteers

began noticing that each dog had unique quirks.

"AK is the alpha in the team, and he is handsome and always cool around everybody.

"D7 is the most playful and loves to bite plastic bottles, to the point that he swallowed one and had to go for surgery.

"QZ is cute and laidback - she is slightly overfed, a little chubby, and loves belly rubs," said Renuka, who added that the fourth dog, FD, died some time ago of cancer.

"She developed a tumour in her spine and the vet said there was no other way but to put her down.

"Many DogQ volunteers were there to mourn her passing," she said.

The one-time strays have helped foster a strong bond between DogQ volunteers.

Volunteer Alvin Jitendra Vora, an AirAsia infrastructure site reliability engineer, said he looks upon the dogs as family and cannot stand seeing them go through pain.

"I have a dog named Anya, adopted from a shelter. She was in an accident before I adopted her. She had nerve issues and had trouble walking straight. But overall, she is a healthy dog.

"Since I adopted Anya, my love towards dogs has dramatically changed in a good way," he said.

Another volunteer, Vanisthaa Shanmuga Nathan, a cadet pilot, said she misses her "furkids" whenever she is away for work.

"It is a dull week at work not seeing the dogs and their cute antics.

"Dogs are indeed a man's best friend as they are unconditional with their love and are ridiculously loyal, a quality that makes me feel really blessed being around them," she said.

Volunteer Rajendran Pillai, a security officer, said he is proud that AirAsia has a positive attitude towards stray dogs, and it is a reflection of the warmth and kindness of its staff members.

"The AirAsia family accepts everyone in all shapes and colours. We feel it is our duty and responsibility to give extra care to the less fortunate. We will do our best to help any wandering around our office site," he said.

Haiwan juga terdedah strok haba

MEDIA	RUANGAN	MUKA SURAT
Sinar Harian	Nasional	9

Haiwan juga terdedah strok haba

Pemilik perlu sentiasa peka terhadap keadaan kesihatan haiwan mereka

KUALA LUMPUR

Cuaca panas melampau yang kini melanda beberapa negara bukan sahaja memberi kesan kepada manusia, malah menimbulkan risiko kepada haiwan termasuk mengalami strok haba.

Bekas Penolong Pengarah Zoo Negara yang juga Pensyarah Fakulti Farmasi Universiti Teknologi Mara, Puncak Alam, Profesor Madya Datuk Dr Vellayan Subramaniam berkata, seperti manusia, strok haba terhadap binatang juga boleh meragut nyawa, selain menyebabkan kerosakan organ dalaman haiwan jika tidak mendapat rawatan segera.

"Semua haiwan yang ter-

golong dalam kumpulan mamalia, reptilia mahupun burung turut mengalami strok haba, misalnya anjing dan kucing yang mempunyai kelenjar sangat sedikit terletak di tapak kaki dan sekitar hidung untuk berpeluh, tidak seperti manusia yang senang keluar peluh," katanya.

Pada masa sama, beliau berkata, haiwan di zoo juga perlu dijaga rapi pada musim panas dengan membekalkan air yang secukupnya untuk membasahkan badan, walaupun kadangkala mungkin timbul masalah kerana bukan semua haiwan suka berendam di dalam air seperti lembu, kerbau dan gajah.

Dr Vellayan yang juga bekas Ketua Veterinar di Zoo Negara menjelaskan bagi haiwan yang tidak gemar badannya dibasahkan dengan air, haiwan seperti ini perlu diberikan air minuman secukupnya, selain ditempatkan di kawasan yang mempunyai tahap pengudaraan baik.

"Bagi haiwan yang sentiasa berada dalam air atau berendam seperti penguin dan memerang pula, kolam air disarankan ditambah dengan ketulan air batu



Penternak lembu, Mohd Khairi Mustafa, 34, bingung memikirkan lembunya kini kurus kering susulan cuaca panas musim peralihan monsun telah menyebabkan rumput bertukar warna dan kering akibat kekurangan air di Kampung Kuala Nal, Kuala Krai Kelantan.

bagi memastikan ia sejuk kerana air yang tidak mengalir juga boleh meningkat suhunya sekiranya cuaca panas terik," katanya.

Selain itu, Dr Vellayan turut mengingatkan pemilik haiwan peliharaan seperti anjing dan kucing supaya sentiasa peka terhadap keadaan kesihatan haiwan mereka bagi menghindari risiko strok haba.

"Antara simptomnya (strok haba) seperti degupan jantung pantas, kesukaran bergerak,

terpinga-pinga dan tidak menentu, menghasilkan banyak air liur serta lidah dan gusi biru kerana kekurangan oksigen dalam darah.

"Selain itu, suhu badan haiwan ini juga akan melebihi 42 darjah (Celsius), kurang keseimbangan atau kestabilan apabila bangun dengan empat kaki dan jika ini berlaku, pemiliknya perlu stabilkan suhu badan haiwan itu dan bawa kepada doktor haiwan dengan segera

kerana jika diabaikan, ia boleh mendatangkan kematian," katanya.

Menurut Dr Vellayan, pemilik haiwan peliharaan juga boleh meredakan simptom strok haba dan dehidrasi dengan membasahkan badan haiwan peliharaan mereka dengan meletakkan tuala yang basah pada kepala dan dahi selain memberikan air untuk diminum serta membasahkan lidah haiwan.

- Bernama

Lelaki cedera van terbabas elak babi melintas

MEDIA	RUANGAN	MUKA SURAT
Sinar Harian	Negeri	25

Lelaki cedera van terbabas elak babi melintas

RAUB - Gara-gara mengelak babi melintas, seorang lelaki cedera selepas van dipandunya terbabas di Kilometer 343 Jalan Kuala Lumpur ke Kota Bharu berhampiran Simpang Sungai Pasu di sini pada Isnin.

Dalam kejadian kira-kira jam 6.30 pagi itu, kemalangan melibatkan sebuah van jenis Nissan Urban yang dipandu mangsa melanggar sebatang tiang elektrik.

Ketua Polis Daerah Raub, Superitenden Mohd Shahril Abdul Rahman memberitahu, ketika kejadian kenderaan terbabit dari arah Kelantan menghala ke Kuala Lumpur.

Menurutnya, siasatan awal mendapati kemalangan berlaku apabila van tersebut dalam perjalanan ke Lapangan

Terbang Antarabangsa Kuala Lumpur (KLIA) untuk mengambil jemaah yang pulang daripada umrah.

"Apabila sampai di tempat kejadian, tiba-tiba seekor babi telah melintas dari kiri ke kanan jalan menyebabkan pemandu cuba mengelak sehingga terbabas ke kiri jalan dan melanggar sebatang tiang elektrik milik TNB lalu terbalik di tengah jalan.

"Ketika kejadian, mangsa yang berusia 32 tahun memandu bersendirian tidak mengalami kecederaan parah, hanya luka ringan pada bahagian kepala serta kerosakan pada kenderaan terlibat," kata beliau dalam kenyataan pada Isnin.

Ujar beliau, kes disiasat di bawah Peraturan 10 LN 166/59.

FOTO: IHSAN PDRM



Keadaan van yang terbalik di tempat kejadian.